



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

III. Missi quoque à Synodo Carthaginensi Legati ad Principes, unà cum literis. Quid sit libera legatio in illo Concilio. Differt ab ea cuius meminit Cicero & Vlpianus. Hæc titulotenus & ad dignitatem ...

**urn:nbn:de:hbz:466:1-15617**

## De Concordia Sacerdotij

Cyp. ep. 42. ad  
Cornelium.

Fortunatus, Legati à Cypriano & Synodo Carthaginensi ad Cornelium Pontificem & Romanam Ecclesiam missi, ut quantum fieri posset eniterentur ad componendam consiliis suis Ecclesiae unitatem, quæ factio Novatiani scissa erat, & ut de Cornelij ordinatione quæ sibi essent comperta referrent ad Africanos; quò scrupulo omni excusso, Cornelij communicationem, id est, catholicæ Ecclesie unitatem pariter & caritatem probarent firmiter & tenerent. Hos Episcopos ad Cornelium missos disertè Cyprianus Legatos vocat. In Concilio quoque Carthaginensi legatio decreta sua anno cdi. ad Anastasium sedis apostolicę Episcopum, ad Venerium Sacerdotem Mediolanensem, & ad Imperatores, ut Ecclesiæ Africanæ necessitatibus consuleretur. Etenim cùm in Concilio Capuano generali veritum fuisset anno trecentesimo octagesimo nono ne baptizati Donatistis in clerum aliquando adscirentur, Africanæ Ecclesiae ad eam Clericorum inopiam redactæ ut plerisque earum desertis ne unus quidem Diaconus vel illiteratus reperiretur, hanc necessitatem suggererunt Episcopis Romano & Mediolanensi. Ex his enim sedibus, inquit illi, hoc fuerat prohibutum. Quare eorum ope communii periculum providendum auit. A generali autem prohibitione eos excipi postulant qui apud Donatistis parvuli baptizati, agnita deinde veritate ad Ecclesiam catholicam accedentes, per manus impositionem suscepti sunt. Tantum de his qui infantes baptizati sunt fatigamus, inquit, ut nostre, si placet, in iisdem ordinandis consentiant voluntati. Quare ad interpretandam Concilij plenarij definitiōnem necessarium existimabant Africani sedis apostolicę consensum. Hoc enim ab ea sede maxime pendere profitentur in simili specie, de Clericis Donatistarum; et si ad ceteros quoque transmarinos Episcopos literas suas dirigant: ex quorum consilio, & præcipue Mediolanensis Episcopi, qui erat Italæ Primas, Romanus Pontifex res istas constituebat.

In d. Collect. c.  
58. 59. 60. 61. 61.  
63. 64.

In d. Coll. c. 59.

Coll. Concil.  
Afric. c. 17. &  
in Praes.

Coll. Concil.  
Afric. c. 68.

beatissimum comitatum Legatos à nobis esse directos.

Frequentes visuntur in Conciliis Carthaginensis decretæ ad Imperatores legationes adversus paganos & haereticos. Sed observanda est in primis illa quæ injuncta est Vincentio & Fortunatiano anno cdi. 11. de qua his verbis constitutum est: *Placuit ut legationem liberam habeant ad comitatum missi delecti Legati. Vbi alio sensu accipienda est libera legatio quam usurpetur ab Vlpiano: Qui libera legatione abest, inquit, non videtur reipublice causa abesse. Hic enim non publici commodi, sed sui causâ abest.* Apud Vlpianum enim libera legatio dicitur quæ nulli negotio gerendo adstricta, nec ullo tempore finita, vires clarissimis à Senatu olim, deinde ab Imperatoribus concedebatur titulo tenus, ut in provinciis privatas res suas curantes, vel etiam voti solvendi causâ, fana & sacrâ loca adeuntes, Legatorum dignitate ornarentur, quæ ultima legationis species etiam votiva dicebatur. Vtriusque autem legationis frequens mentio apud Ciceronem & aliquot veteres. In dicto vero canone Carthaginensis Concilij, libera legatio dicitur quæ libris mandatis constituta erat. *Libera mandata* voco cum Livio ea quæ Legatis dantur nulli formulæ adstricta, quæque rem omnem gerendam eorum fidei & prudentiæ commitunt. His autem verbis libera illa Legatorum potestas explicatur à patribus Africanis: *Placuit & illud, ut adversus Donatistas & Paganos, vel eorum superstitiones, Legati missi de hoc glorioſo Concilio, quicquid utile pereverint, de glorioſissimis Principibus impetrant.* Itaque istiusmodi Legati similes videntur Procuratoribus, quibus mandato generali libera rerum administratio commissa est, de quibus Jurisconsulti.

**IV.** Ab Orientalibus Episcopis missos olim ad Romanum Pontificem Legatos docet epistola Iulij apud Athanarium, qui disceptationem Martyri Presbyteri & Hesychij Diaconi Legatorum Orientalium apud se habitam cum Legatis Athanasij & Synodi Alexandrinæ refert; his communionem Athanasij non esse rejiciendam à Pontifice Romano contendentibus, illis vero damnati hominis confortium non esse amplectendum afferentibus, & postulantibus novum judicium à Iulio, si opus esset, instaurari. Præterea Lampsacenum Concilium Episcoporum Orientalium, tres Legatos ad Liberum misit, Eustathium, Silvanum, & Theophilum, qui repudiato Ariminensis & Seleuciensis Conciliorum decreto, Nicenam fidem se retinere profiterentur. Lampsacena synodi legationem sibi ad Liberum in-

In d. Collect. c.  
58. 59. 60. 61. 61.  
63. 64.

In d. Coll. c. 59.